




Տեսանկիւն

Յունիս 20-ին Զայ Ազգը Պիտի Յաղթէ



Հայաստանի մէջ արտահերթ ընտրութիւններու օրակարգով, այսօր՝ լուծեալն օր է: Վաղը՝ ընտրութեան: Իր թմբիրէն զարթնած Հայուն՝ գիտակից ընտրութեան օրը:

Հայ ժողովուրդը սեւի եւ սպիտակի բաժնած, պատերազմ պարտուած, հազարաւոր հայորդիներու արիւնահեղումի պատճառ հանդիսացած եւ հողեր գիշած ու գիշող կողմը պետք է հասկնայ, որ վաղը հաշուետուութեան օր է: Հայ ժողովուրդը չի կրնար այս մարդոց՝ իր ապագան որոշելու իրաւասութիւն եւ լիազօրութիւն տալ դարձեալ:

Պիտի երթայ այս անբարոյ եւ ապիկար իշխանութիւնը: Իր համար աւելի լաւ է երթալ առանց բախումներու հրահրումի: Առանց յաւելեալ արիւնի եւ քառսի: Մինչ եկողը՝ պետք է գայ յաղթողի վեհանձնութեամբ: Հեռու վրիժառութենէ եւ քինախնդրութենէ:

Ի վերջոյ, վաղը պիտի յաղթէ արժանապատիւ Հայ ազգը ու վերջապէս փակուի Հայ ժողովուրդին դառն փորձառութիւն հանդիսացած՝ վերջին երեքամեայ պատմական թիւրիմացութիւնը:

Հայոց Նորագոյն պատմութեան մէջ վերջապէս պիտի փակուի «թուխով»-ի անհեթեթ ու կործանարար Էջը ու բացուի «խելով»-ի ողջամիտ ու շինարար Նոր Էջ: Վասն Հայրենեաց:

ՍԵՒԱԿ ՅԱԿՈԲԵԱՆ

Լիբանանեան Լուրեր

Հարիրի. Առաջնահերթութիւնը Կառավարութիւն Կազմելն Է. Սակայն Հրաժարականը Կը Մնայ Տարբերակ

Նշանակեալ վարչապետ Սաատ Հարիրի երէկ յայտարարեց, որ կառավարութիւն կազմելը միշտ ալ իր առաջնահերթութիւնը եղած է, սակայն հրաժարիլը կը մնայ տարբերակ եթէ այդ բանը աւելի օգտակար է երկրին:

Հրաժարելով պատասխանատուութենէ չէ, որ կ'ուզէ փախչիլ, յայտնած է ան, սակայն խոչընդոտներով շարունակելը դժուար կացութեան կը մատնէ: Իր կողմէ Ընկերվար-Յառաջդիմական կուսակցութեան ղեկավար Ուալիտ Ժումպաթ կոչ ուղղեց բոլոր կողմերուն զիջումներու երթալու փրկելու համար երկիրը:



Հայկական Լուրեր

«Կելլափ»-ի Վերջին Տուեալներով՝ «Հայաստան» Դաշինքը Առաջատար



«Հայաստան» դաշինքի օգտին պիտի քուէարկէ հարցուածներու 28,7 տոկոսը, «Զաղաքացիական պայմանագիր» կուսակցութեան օգտին՝ 25,2 տոկոսը, «Պատիւ ունեմ» դաշինքի օգտին՝ 10,8 տոկոսը: Այս մասին 18 Յունիսին կայացած մամուլի ասուլիսի ժամանակ յայտարարած է «Կելլափ ինթըրնէշնլ» միութեան ներկայացուցիչ Արամ Նաւասարդեանը՝ ներկայացնելով հարցումներու արդիւնքները, թէ քաղաքացիները 20 Յունիսին կայանալիք արտահերթ խորհրդարանական ընտրութիւններուն ո՞ր կուսակցութեան կամ դաշինքի օգտին պիտի քուէարկեն:

«Ըստ հարցումների՝ «Բարգաւաճ Հայաստան» կուսակցութեան օգտին քուէարկելու է հարցուածների 5,4 տոկոսը, «Լուսաւոր Հայաստան» կուսակցութեան օգտին՝ 5,2 տոկոսը, Շիրինեան, Պապանեանեան ժողովրդավարների դաշինքին՝ 2,8 տոկոսը, Հանրապետութիւն կուսակցութեան օգտին՝ 2,6 տոկոսը, Հայ ազգային քնկրէսի օգտին՝ 1,5 տոկոսը:

Հարցմանը հրաժարուել է պատասխանել հարցուածների 5,2 տոկոսը, «ոչ մէկին» պատասխանել է հարցուածների 2,7 տոկոսը,

դժուարացել է պատասխանել հարցուածների 4,1 տոկոսը», -մանրամասնած է Նաւասարդեանը: Հարցին՝ պիտի մասնակցի՞ն արտահերթ ընտրութիւններուն, հարցուածներու 51,1 տոկոսը պատասխանած է՝ «միանշանակ մասնակցելու եմ», 11,4 տոկոսը՝ «աւելի շուտ մասնակցելու եմ», 13,8 տոկոսը՝ «աւելի շուտ չեմ մասնակցելու», 22,9 տոկոսը՝ «միանշանակ չեմ մասնակցելու», հարցին դժուարացել է պատասխանել հարցուածներու 0,7 տոկոսը: «Միանշանակ մասնակցելու եմ» ցուցանիշը որոշակի չափով նուազած է:

Հարցումներն իրականացուած են հեռախօսով, ընտրանքի ծաւալը եղած է 1105, հետազօտութեան ընտրանքային սխալը՝ +3 տոկոս, հետազօտութիւնն իրականացուած է 14-16 Յունիսին ինկած ժամանակահատուածին:

«Վերջին 11 տարում մեր կազմակերպութիւնն ու անձամբ ես այսքան ճշումների փորձեր չէինք զգացել, մասնաւորապէս, Նաեւ իշխանական թեւից», - յայտարարած է Նաւասարդեանը:

Շրջանային Լուրեր

Իրանի մէջ երէկ Տեղի Ունեցաւ Նախագահական Ընտրութիւններ

Իրանի մէջ երէկ տեղի ունեցաւ Նախագահական ընտրութիւնները: Քուէարկելու իրաւունք ունի 59 310 307 իրանցի: Ըստ պաշտօնական վիճակագրութեան՝ աւելի քան 1.3 միլիոնը առաջին անգամ է որ կը քուէարկէ:

ՀԱՂՈՐԴԱԳՐՈՒԹԻՒՆ


Ն.Ս.Օ.Տ.Տ. Գարեգին Բ. Ամենայն Հայոց Կաթողիկոսի Լիբանանահայության Շնորհած Օժանդակությունը Սուրբ Էջմիածնի Կրօնասեր Տիկնանց Համախմբումին Ձեռամբ Փոխանցուեցաւ Կարիքաւոր Ընտանիքներուն

Լիբանանահայությունն ու Սուրբ Էջմիածնի Կրօնասեր Տիկնանց Համախմբումը միշտ ալ ջերմ տեղ գտած է Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի աղօթքներուն, խորհրդածութեան եւ մտածումներուն մէջ:



Լիբանանահայության օժանդակելու նպատակով, Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը 1, Յունիս 2021-ին, տասն ութ հազար ամերիկեան տոլար փոխանցած էր Սուրբ Էջմիածնի Կրօնասեր Տիկնանց Համախմբումի վարչութեան, բաժնելու՝ Համախմբումի վարչութեան մօտ արձանագրուած Լիբանանի հայ համայնքի կարիքաւոր ընտանիքներուն:

Սուրբ Էջմիածնի Կրօնասեր Տիկնանց Համախմբումի վարչութիւնը, ինչպէս միշտ հաւատարիմ մնալով Հայ եկեղեցւոյ պայծառութեան ծառայելու իր առաքելութեան, մեծապէս գնահատելով Լիբանանի ընկերային, քաղաքական, տնտեսական ծանր պայմաններուն մէջ Ամենայն Հայոց Կաթողիկոսին կատարած հայրական այս օժանդակութիւնը, անմիջապէս լծուեցաւ աշխատանքի, պատրաստելով իր մօտ արձանագրուած կարիքաւոր ընտանիքներուն ցանկը, անոնց միջեւ հաւասարապէս բաժնելու Մայր Աթոռ Ս. Էջմիածնի օժանդակութիւնը:




Արդարեւ, Չորեքշաբթի, 16 Յունիս 2021-ի առաւօտեան ժամերէն, Հ.Բ.Ը.Մ.-ի Չապէլ Մովսէսեան կեդրոնին մէջ, Սին Էլ Ֆիլ Լիբանան, Սուրբ Էջմիածնի Կրօնասեր Տիկնանց Համախմբումի ատենապետուհի՝ Անահիտ Տանձիկեանի կազմակերպութեամբ եւ տնօրինութեամբ, օժանդակութեամբ հինգ կամաւոր ծառայող անդամներու (Ալին Տըլըպեան, Սիլվա Յակոբեան, Հուրի



Փարթամեան, Արեւ Թանաշեան, Ռուպինա Ճիկերեան) 180 ընտանիքներ ստացան Ն.Ս.Օ.Տ.Տ. Գարեգին Բ Ամենայն Հայոց Կաթողիկոսի օժանդակութիւնը: Նպաստ ստացող ընտանիքներն ու Համախմբումի անդամուհիները ի սրտէ շնորհակալութիւն կը յայտնեն Ն.Ս.Օ.Տ.Տ. Գարեգին Բ Ամենայն Հայոց Կաթողիկոսին, տոյն ազգանուէր օժանդակութեան առիթով, նորին Սրբութեան մաղթելով արեւշատութիւն եւ քաջառողջութիւն:

ՍՈՒՐԲ ԷՋՄԻԱԾՆԻ ԿՐՕՆԱՍԵՐ ՏԻԿՆԱՆՑ ՀԱՄԱԽՄԲՈՒՄԻ ՎԱՐՉՈՒԹԻՒՆ



ՀԱՂՈՐԴԱԳՐՈՒԹԻՒՆ

Երեք Դպրեվանեցիներու Կը Շնորհուի Սարկաւագական Կարգ

Ձեռնադրութեան ճամբով, եկեղեցին Սուրբ Խորանի սպասարկողներուն կը պարգեւէ եկեղեցական կարգերը, որոնք կը տրուին յատուկ արարողութիւններու ճամբով: Կիրակի, 13 Յունիս 2021-ին, Անթիլիասի Մայրավանքի Ս. Գրիգոր Լուսաւորիչ Մայր Տաճարին մէջ, դպրեվանեցի երեք կիսասարկաւագներ՝ Նշան Անտրեան, Հրակ-Անդո Գրտանեան եւ Յակոբ Ճուլֆայեան, ստացան հայ եկեղեցւոյ երեք հիմնական կարգերուն առաջինը՝ սարկաւագութիւնը:

Արդարեւ, Ս. Աթոռի գահակալ Ն.Ս.Օ.Տ.Տ. Արամ Ա. Վեհափառ Հայրապետին



օրհնութեամբ եւ նախագահութեամբ, սարկաւագական ձեռնադրութիւնը կատարեց Գերշ. Տ. Շահան Արք. Սարգիսեանը: «Չի ողորմած» աղօթքի աւարտին, խարտաւիլակ Հոգշ. Տ. Չաւէն Վրդ. Նաճարեանի ուղեկցութեամբ, ընծայեալները սաղմոսներու եւ աղօթքներու ընկերակցութեամբ ծնկաչոք յառաջացան Ս. Խորան՝ աշխարհէն հրաժարում կատարելով: Ապա, անոնք ստացան ծառայութիւնը խորհրդանշող Ս. Ուրարը ձախ ուսէն կրելու քաղցր լուծը, ինչպէս նաեւ՝ Ս. Աւետարանը ժողովուրդին կարդալու հրաւերն ու բուրվառի անոյշ բոյրով եկեղեցին պարուրելու իրաւունքը:



Յաջորդիւ, ձեռնադրիչ սրբազանը յաւուր պատշաճի քարոզեց եւ սարկաւագներուն ուղղեց իր խրատական խօսքը: Իր խօսքին (Սղ 16.8) մէջ, սրբազան հայրը անդրադարձաւ ներկայ ժամանակներուն սարկաւագական կարգին ու անոր կարեւորութեան եւ հրաւիրեց նոր սարկաւագները ուրախութեամբ մասնակցելու հայ եկեղեցւոյ եւ Մեծի Տանն Կիլիկիոյ Կաթողիկոսութեան ծառայական առաքելութեան: Սրբազանը յորդորեց զանոնք, որ ուսումնառութեան տարիներուն եւ աւելի ուշ անոնք իրենց անձերը կերտեն ազգային, հոգեւոր եւ Դպրեվանքի արժեքներով թրծուած եւ այդ արժեքները թարգմանեն իրենց շրջապատին մէջ եւ վերջապէս, Ս. Ստեփանոսի ինքընծայումի գերազանց օրինակին հետեւելով՝ գործեն Աստուծոյ փառքին եւ մեր ժողովուրդի յառաջդիմութեան համար:

Շաբ. Էջ 08

Երեւանն Է Խօսում

ԱՆԴՐԱՆԻԿ ՏԱԳԵՍԵԱՆ

Այո՛, Երեւանն Է Խօսում:

Այն Երեւանը որուն 2800ամեակը վերջերս նշուեցաւ:

Այն Երեւանը, որուն շեշտակի, ամուր, հնչեղ եւ կարօտալի ձայնը լսելու համար, Պեյրոպի մէջ պաղ պատերազմի մութ ու չար օրերուն անտեսանելի անկիւններ կը խցկուէին:

Այն Երեւանը, որուն ֆուլթայի Արարատ խումբին խաղերը լսելու համար տարբեր տարիքի տղամարդիկ կը կուտակուէին րատիոյի գլխուն:

Այն Երեւանը, որուն քայլերգային երաժշտութիւնը Պեյրոպի մեր երթը կ'ուղղէր, մեր մէջքը կը շտկէր, մեր հոգին կը բանար եւ մեր երազը կը շոյէր:

Այո՛, Երեւանն Է Խօսում:

Այն Երեւանը որուն ինչ օրօրոցայիններ ենք երգեր մեր հոգիներուն խորունկներէն:



Այն Երեւանը, որ եկեր էր փոխարինելու հայոց նախկին բոլոր մայրաքաղաքները եւ իր մէջ խտացնելու զանոնք:

Այն Երեւանը, որ ինչպիսի՜ միութարանքներ էր տուեր մեզի՝ Սփիւռքի մեր տաք ու պաղ օրերուն:

Այն Երեւանը զոր ունինք իբրեւ գերագոյն հանգրուան:

Այո՛, Երեւանն Է Խօսում:

Այն Երեւանը, ուր նոր հայութեան խանձարուրդը կը մշակուի:

Այն Երեւանը, ուր հայը կը կամրջուի իր Էութեան:

Այն Երեւանը, ուր հայութիւնը կը դառնայ համաստեղութիւն:

Սակայն այսօր **Երեւանի Խօսոյթը** զիս չի՛ հրապուրեր:

Չի՛ ներշնչեր լաւատեսութեամբ:

Չի՛ խոստանար Էպիքական լուսաբաց:

Այս Խօսոյթի տերերը չեն լսած Կոմիտաս,

Ծանօթ չեն Սասնայ Դաւիթին,

Կ'անգիտանան հայ մշակոյթի, քաղաքակրթութեան ոգիին,

Չարտուղին ու անագնիւն են Յայ Մարդուն...

ՉԷ, Երեւանը չի՛ Խօսում:

Սա Երեւանի Խօսքը չէ՛:

Ես Երեւանը կը փնտռեմ:

Լրատուութեան Գործընկեր



ՄԵԿ Կաթնայ

ՍԱՐԳԻՍ ՓՈՇՕՂԵԱՆ

«Չարթօնք»ի Երեց Աշխատակից

Միշտ ալ միջոց մը պիտի գոյանայ տեսութեան եւ գործնականացումի մէջ բայց երբ այդ միջոցը շատ հեռանայ վերոնշեալներու միջեւ արդէն ոչ մէկ կամուրջ ի զօրու կրնար ըլլալ միացնելու: Հետեւեալը՝ բաժանումը կ'ըլլայ անխուսափելի:

Պերդրանտ Ռասըլի բազմաթիւ գիրքերէն մին՝ «Համայնաւարութիւնը ու համայնաւարը» եւ նման բազմաթիւ գիրքեր կան ի հարկէ զանազան մարզի, սակայն ամենէն խօսուող կ'ըլլայ երբ մարդ ոչ միայն ականատես կ'ըլլայ այլ՝ վկան, կենդանի վկան գաղափարին ու գաղափարախօսին միջեւ: Ամենայն դէպս այնքան խոտոր համեմատութիւններ կան այս իրողութեան վերաբերեալ, որմէ անկարելի է խուսափիլ, այնքան ատեն որ մարդ արարածի կառոյցը իբրեւ կենդանի արարած՝ շնչող, գործող, անկարող է իր դաւանածին ըլլալ գերին կամ - քաղցրացնելու համար - հետեւողը ըլլայ գաղափարական, հոգեւորական սկզբունքներուն ինչ իր արգասիքն է բանականութեան, որ մարդը ընդհանրապէս իր անասնութենէն վեր բարձրացնելու կը միտի:

Պատահականութիւններ ի հարկէ գոյութիւն ունին մանաւանդ բնութեան մէջ, բայց կան դիպուածներ, դէպքեր, որոնք պատահականութեան պտուղը չեն այլ՝ ծրագրուած ու դասաւորուած մանաւանդ՝ երբ խնդիրը քաղաքական մարզի կը պատկանի:

Չեմ յիշեր լսած կամ կարդացած ըլլամ ա՛յսքան բարդ ու խառնիճաղանճ երկրի մը մասին, որ այսքան սակաւ բնակչութեամբ, բնակչութեան թիւով իսկ բարդութիւններ ունենայ - չափազանցութեան ուռկանին ինկանք, սակայն ըսել ուզուածը հասկնալի է: Կեանք է. կը պատահին դժուար պահեր, բայց դժուարագոյնը՝ ելք մը գտնելն է - խնդիրը անձի մը կամ անձերու չի վերաբերիր այլ՝ Հայրենիքի (թէեւ կասկածելի է ոմանց հայրենասիրութեան չափն ու տարողութիւնը):

Ու՛ր կ'երթանք այսպէս...պատասխանը ընտրութենէ՛ն ետք... (ՄԵԿ կաթնայ բազմաթիւ շերտիներ):

Աստուած օգնական:

(Յապաւումով)




Վահան Թեքէեան Միջնակարգ Վարժարան

2021 - 2022

Տարեշրջան



Հայեցի ու Ազգային Դաստիարակութիւն




Կրթական Գերազանցութիւն



E-Learning

Interactive Whiteboards

STEAM Classes



Կեանքի Հմտութիւններ



Ուսուցման Կեդրոններ (Learning Centers)

Արտադասարանային Ձեռնարկներ



Կրթաթոշակը Ձրի

(Ապաւինելով միութեանական, ազգային եւ բարեսիրական կազմակերպութիւններու նիւթական նեցուկին)



Յաւելեալ մանրամասնութեան համար դիմել վարժարանի քարտուղարութեան ամէն օր կ.ա. ժամը 9:00էն 1:00:

www.vahantekeyan.com

info@vahantekeyan.com

01/260525 - 01/260574

«Գաւառը» Լուսարձակի Տակ – 24-

Փուլշքինո. Ռուսական Անուանումով Փոքրիկ Դրախտը՝ Հայաստանում

ՔՐԻՍԹԻՆԱ ԱՂԱՆԱՐԵԱՆ

«Չարթունք»ի Երեւանի Աշխատակից

Մեր հայրենիքի կանաչ դրախտը՝ Լոռու մարզը բացայայտելու ու չքնադ բնութեամբ հիանալու համար օրերը, շաբաթներն ու ամիսները անգամ քիչ են: Երբ ճանապարհին հանդիպում ես «Լոռու մարզ» գրութեամբ ցուցանակ, արդեն պարզ է, որ դրախտի դռները բացվում են: Սակայն, ցաւովն այն է, որ մարզում ցանկացած գիւղ մտնելիս աչք ծակող առաջին հանգամանքը քարուքանդ ճանապարհներն են:

Մեր կանգառը Լոռու Փուլշքինո գիւղն է: Ճանապարհին չկայ ցուցանակ, որը կը յուշի, որ դա Փուլշքինո գիւղն է: Նախկինում հաւանաբար եղել է, հիմա չկայ: Տեղաբնակներն ասում են՝ մենք անտերութեան մատնուած գիւղ ենք: Բայց ինչպէ՞ս կարելի է հայրենիքի այս դրախտային հատուածներից մէկը մատնել անտերութեան: Աններելի է:



Փուլշքինո գիւղը գտնուում է Հայաստանի Լոռու մարզում, Ձորագետի աջակողմեան Գարգառ վտակի ափին: Փուլշքինո է վերանուանուել 1937 թ. փետրուարի 14-ին: Բարձրութիւնը ծովի մակերէնային՝ 1450 մ, հեռավորութիւնը մարզկենտրոնից՝ 15 քմ հիւսիս-արեւմուտք:

Բնակչութիւնն հիմնականում զբաղւում է անասնապահութեամբ, հացահատիկի եւ կերային ցանքի մշակութեամբ: Գիւղը շրջապատուած է բարձր սարերով եւ թաւուտ անտառներով: Համայնքով

հոսում է Գարգառ գետակը, որը սկիզբ է առնում Բազումի լեռնաշղթայից: Օդը կազդուրիչ է, առողջարար, բուսականութիւնը՝ նախալեռնային: Փուլշքինոյում պահպանուել են միջնադարեան եկեղեցու կանգուն մնացորդներ: Համացանցում շատ քիչ տեղեկութիւն կարելի է գտնել գիւղի մասին: Բայց շրջելով գիւղում անհնար է չնկատել այն հարստութիւնը, որն առկայ է:

Յարական կայսրութեան ժամանակ Փուլշքինոն եղել է ռուսական գիւղ, ապրել են միայն ռուսներ: Տեղաբնակ Ռուբէն պապիի պատմելով՝ այստեղ հայերին թոյլ չեն տուել ապրել: Երբ տեղաբնակներին հարցնում ենք գիւղի անուան պատմութիւնը, բոլորը յիշատակում են ռուս գրող Ալեքսանդր Փուլշքինի եւ Ալեքսանդր Կրիպոյետովի հանդիպման դիպուածը:

Ըստ այդմ գիւղը կրում է ռուս բանաստեղծ Ալեքսանդր Փուլշքինի անունը, ով 1829 թուականին Էրզրում ճանապարհորդելիս այստեղ հանդիպել է ռուս գրող, դիւանագետ Ալեքսանդր Կրիպոյետովի աճիւնը սայլով Իրանից Թիֆլիս տեղափոխողներին: Հանդիպման վայրում կառուցուած է աղբիւր-յուշարձան:




Կրիպոյետովը դեսպանատան 37 աշխատակցի հետ միասին սպանուել է Պարսկաստանի մէջ 1829 թուականի Յունուարի 30-ին, մոլեռանդ իսլամ խառնամբօխի ձեռքով: Նրա՝ անձանաչելիութեան աստիճան այլանդակուած դիակը երկու հայ եզասայլով հասցրել են



Թիֆլիս:

Գիւղապետարանի մօտ կայ Երկրորդ աշխարհամարտին զոհ դարձած Փուլշքինոյի բնակիչ զինուորականներին նուիրուած յուշարձան:



Հայերը գիւղում սկսել են բնակուել 1988 թուականի երկրաշարժից յետոյ, երբ ռուսները լքել են գիւղը: Տեղաբնակները ասում են՝ Փուլշքինոն մեծ ներուժ ունեցող գիւղ է, որը, սակայն, այսօր չի օգտագործուում: Այն կարելի է օգտագործել եւ՝ գիւղատնտեսական նպատակներով, եւ՝ զբօսաշրջային: Գիւղում մի քանի հիւրատներ կան, կարելի է ասել զարգանում է զբօսաշրջութիւնը,

մարդիկ սկսում են աւելի շատ տեղեկանալ գիւղի մասին: Բայց դա դեռ բաւարար չէ: Հարկաւոր են աւելի լուրջ քայլեր:



Փուլշքինոյի գիւղապետ Սուրեն Աւետիսեանը, սակայն, ասում է՝ Փուլշքինոն աղքատ գիւղ է, մարդիկ լաւ չեն ապրում: Ճիշտ է պետական աջակցութիւն լինում է, օգնութիւններ յատկացւում են, բայց դա շատ քիչ է գիւղը նորոգելու համար:

Փուլշքինոյում զբօսնելիս գեթ մէկ նորակառոյց տուն չես նկատի:

Շար. Էջ 05



«Գալառը» Լուսարձակի Տակ – 24-

Փուլշքինո. Ռուսական Անուանումով Փոքրիկ Դրախտը՝ Հայաստանում

Սկիզբը Էջ 04



Բոլորը նախկինում եղած տներն են՝ ռուսական ճարտարապետությանը: Լաւագոյն դէպքում տների պատուհաններն են փոխուած: Որոշների դէպքում անգամ դա արուած չէ:



Մեր աչքից չէր վրիպում նաեւ այն տները, որոնց դարպասների վրայ ներկով գրուած է՝ վաճառուում է: Այդպիսի տները քիչ չեն:



Քարուքանդ փողոցներով քայլելիս հանդիպեցինք գիւղի տարեցներից մէկին, ով այցում աշխատանքներ էր իրականացնում: Նա Փուլշքինո է տեղափոխուել Գարգառ գիւղից՝ երկրաշարժից յետոյ: Փուլշքինոյում բնիկ 4 ընտանիք է եղել հայ, մնացած բոլորը գիւղ են եկել 1988-ի երկրաշարժից յետոյ:



«Մենք Կիրովականում էինք ապրում, ես ծնունդով Գարգառից եմ, երկրաշարժից յետոյ աղքատ ամուսինը եկաւ Էստեղ, տունն առաւ, Լորոգեցինք ու սկսեցինք ապրել: Էն ժամանակ ռուսները չէին թողում այստեղ հայեր ապրելին, ասում էին՝ հայերը գող են», - պատմում է պապիկն ու ցոյց տալիս իր այգին, մշակաբոյսերը, որոնք իր կնոջ հետ եղանակին աճեցնում են: Գիւղում հիմնականում զբաղւում են գիւղում ու հողագործութեամբ: Դրանով վաստակած գումարներով էլ ապրում են: Չեն բողոքում: Ժպտում են: Փուլշքինոն մանկապարտէզ չունի, չնայած որ մանկահասակ երեխաներ շատ կան գիւղում: Դպրոցում էլ սովորում է 50 աշակերտ: Փուլշքինոյի հիմնական դպրոցը վերակառուցուել է 2001 թուականին: Աւելի ուշ՝ 2019 թուականի հոկտեմբերին գիւղի



միակ դպրոցը բարեկարգուել է «Չարթոնք»-ի «Գալառը լուսարձակի տակ» շարքի հեղինակ, 1960 – ականներից հայրենադարձ նախկին եգիպտահայ մեր աշխատակցի՝ Վահան Անտոնեանի հոգեհարազատ եգիպտոսի Գալստեան-Նուպարեան-Պօղոսեան վարժարանների նախկին սաների աջակցութեամբ:



Երիտասարդներ գիւղում ամեն քայլափոխի չեն հանդիպի: Նրանք կամ Երեւանում են, կամ Ռուսաստանի դաշնութիւնում: Մեղադրելու չէ, գիւղում ապրելը դժուար է... Փուլշքինոյի գիւղատնտեսական առեւտուրի հնարաւորութիւնների ու ներդրումային ներուժի մասին կը խօսենք յաջորդիւ:



Հին ու Նոր Մտահոգություններ

ԳԵՈՐԳ ՊԵՏԻԿԵԱՆ



Ասկե առաջ, եւ գրեթէ ամէն առիթով, աժմեական ու հիմնական կարգ մը «վերնագիրներու» մասին փորձած եմ քանի մը մատնանշումներ կատարել: Որովհետեւ, բոլորին նման, ես ալ մտահոգ եմ: Կը կարծեմ, որ իբրեւ մտահոգ հայ, նման «բաներ» պէտք է կրկին անգամ լոյսին բերել: Միտքս պարզեմ:

Անցեալ տարիէն ի վեր, աշխարհի պատմութիւնը խառնեց իր էջերը, որովհետեւ անօրինակ համաճարակ մը հասաւ իր գլխուն: Այլ խօսքով, «Զորոնա» ժահրը յանկարծ անողոք եւ անզիջող «բուսաւ եւ իր ներկայութեամբ, այս մեր գեղեցիկ ու կապոյտ երկրագունդը բոլորովին անծանօթ հունի մը մէջ մտցուց: Մարդիկ սկսան իրենց վախէն ու մահուան սպառնալիքէն, տուններէն ներս նոյնիսկ սարսափած՝ կամաւոր ամփոփուիլ: Ինքնամեկուսանալ: Ու այս ձեւով հեռախօսն ու հեռատեսիլը, ինչպէս նաեւ համակարգիչը, դարձան գիրար միաւորող միակ անմիջական կամուրջները:

Ասոնք նորութիւններ չեն: Գիտեմ: Նաեւ անեցնեմ, որ իրարու ետեւէ զանազան արժեքներ ալ կորսուեցան: Մարդոց օրերը, իրենց երկար ու կարճ ժամերով, յոգնեցան: Միութիւններ, կազմակերպութիւններ, վարժարաններ, կրթական եւ ուսումնական մեծ ու փոքր կեդրոններ, համալսարաններ եւ տեսակաւոր հաստատութիւններ ու զանազան ծրագիրներ, իրենց մեծ ու փոքր առաքելութեան մէջ, եթէ ոչ բոլորովին, բայց մեծ մասով, անգործութեան դատապարտուեցան, կաղացին, միաժամանակ մեծ նահանջ ու բաց մը արձանագրելով իրենց սովորական ընթացքին մէջ: Մէկ խօսքով, աշխարհը կարծես դժբախտութեան հետ ակամայ դաշինք կնքած ըլլար, ու այսպէս անժամանակ տագնապի մը մէջ սկսաւ գալարուիլ: Մարդիկ, կորսնցուցին իրենց ներքին անդորրութիւնն ու հոգեկան խաղաղութիւնը:

Կեանքը, թէեւ կը կարծուէր, որ նոյնն էր, եւ սակայն այլեւս նոյնն ալ չէր: Եւ ահա տարի մը եւ անելի՜ յատկապէս այս օրերուն, այս բոլորը հնութիւններ դարձած են, բայց ուզենք կամ ոչ, «վարժուեցանք» այս նոր ապրելակերպին: Թէեւ յաճախ խուճապով ապրեցանք, եւ մեր ժամերը տոգուեցան, ու մանաւանդ մեր բնականոն կեանքէն զրկուեցանք, թռններէն եւ զաւակներէն հեռու մնացինք ու կարծես կամաց-կամաց սկսանք անճանաչելի դառնալ, բայց հիմա մեր տուններէն կամ բնակարաններէն դուրս ելլել չենք ուզեր: Ուսելիք, կամ ուրիշ որեւէ անձնական կամ էական թուող ամէն տեսակի կարիք կամ պիտոյք, մինչեւ տանդ դուռը կը բերեն: Ուստի, ինչո՞ւ դուրս, փողոց ելլել, քիթ-բերան գոցելով շուկայ երթալ: Տեսակ մը ծովութեան վարժուեցանք: Ու այս նոր կեանքը ձեւով մը մեզի համար հաճելի սկսաւ թուիլ: Սովորութիւն: Դարձանք տեսակ մը նոր մարդ եւ մարդկութիւն:

Ու եթէ այս բոլոր «բաները» համայն մարդկութեան համար էին, հապա՞ հայերուս պարագային, ասոնց վրայ նաեւ անեցաւ, ցարդ այս դարուս իր ճակատագրի ամէնէն սարսափելի պատահարը՝ Արցախեան պատերազմն ու անոր արհաւիրքը: Ու խորունկ ցաւը լեցուեցաւ մեր հոգիներուն մէջ, առանց խտրութեան: Ամէն օր աղօթքի միմունջներ սկսան թեւածիլ հայկական բոլոր եկեղեցիներէն, մինչեւ եռաբլուրի տարածքին: Աշխարհով մէկ, բոլորս ալ շալկեցինք եւ տակաւին պատերազմի ամբողջ ծանրութիւնը: Ամէն ինչ գորշ է: Այս է իրականութիւնը: Անստոյգ ներկայ եւ նոյնքան ալ՝ ապագայ: Հասկնալի եւ անհասկնալի: Անկայուն եւ վտանգաւոր վիճակ: Տեսակ մը մեզի համար անվայել: Ահա քեզի կեանք եւ հայրը իրավիճակ: Եւ տակաւին այս մղձաւանջներուն վրայ նաեւ անեցան հին ու նոր մարտահրաւերներ ալ:

Շաբ. էջ 07

Աշխարհը եւ Հայերը Այս Տասնօրեակին

ԱՆԴՐԱՆԻԿ ՏԱԳԵՍԵԱՆ

Անցնող, բայց տակաւին չաւարտած այս տասնօրեակը ուշագրաւ էր համաշխարհային քաղաքական անցուդարձերու առումով: Թուարկեմ միջանկին խոշորագոյն իրադարձութիւններէն.-



ա) Գերզարգացած եւ 'ակումբ' գոյացուցած 7 պետութիւնները աշխարհին՝ Մ. Նահանգներ, Միացեալ Թագաւորութիւն, Ֆրանսա, Գերմանիա, Իտալիա, Ճափոն եւ Զանաւոր հաւաքուեցան ու իրենց քաղաքական շահերուն համապատասխան ներդաշնակ ծրագրեր մշակեցին, որոշումներ կայացուցին: Բ) Մ. Նահանգներու եւ Ռուսաստանեան Դաշնային Հանրապետութեան պետերը զուի գլխի հանդիպեցան եւ քննարկեցին իրենց խնդրայարոյց հարցերէն - տուեալ պահուն յարմարող - ամենակարեւորները:

գ) Վիեննայի մէջ Իրանի հետ հիւլիական ուժանիւթին շուրջ բանակցութիւնները լաւատեսական սկսան դառնալ:

դ) Թուրքիոյ վարչապետը իր երկիրը նոր յաւակնութիւններու ներկայացուց:

ե) Երկրագունդի բնապահպանութեան խնդրով դրական նոր տրամադրութիւններ բարձրաձայնուեցան:

զ) Covid-19 համաճարակի փորձառութեան լոյսին տակ վերոյիշեալ եօթնեակը նախագգուշական քայլերու ծրագրային ուղեգիծ նախաձեռնեց:

է) Բացայայտօրէն դրսեւորուեցան եօթնեակին հակա-Չինաստան ընթացքը եւ ճիգը՝ սիրաշահելու Ռուսաստանն ու Իրանը:

Ը) Multinational Corporationsը ենթակայ դարձան անսախընթաց տուրքերու: Յստակ էր սակայն, որ եօթնեակը + Իրանը, Ռուսաստանը, Թուրքիան + երկիրներ որոնք իբրեւ դէտ կամ մասնակի մասնակիցներ, կողմակի կամ լուսանցքէն բանակցողները իրարու հետ մեղր ու կարագի վիճակին մէջ չէին: Ընդհակառակը, զուլալ ջուրի պէս յստակ էր, որ այս պետութիւններն ու իրենց բանակցող առաջնորդները շատ հարցերու մէջ իրար հակասող, հակադրուող կեցուածքներու եւ շահերու մէջ խրամատաւորուած էին:

Ո՛չ մէկ կեցուածքի մէջ կողմերը բացարձակապէս նոյն դիրքն ունէին: Յիրաւի, այս տասնօրեակի դէպքերը բացայայտեցին բազմակարծութեան բացառիկ օրինակ մը:

Ժողովներուն մասնակիցները, սակայն չկռուեցան, չհայիոյեցին, չգռեհկացան. իրենց բանավեճերը պահպանեցին պատշաճութեան, իրենց քաղաքակրթութեան ու ազգային մշակոյթին յարիր մակարդակներուն վրայ:

Նոյնիսկ նախագահ Էրտողանը՝ իր օսմանեան մշակոյթին յարիր ընթացք ունեցաւ...



Միտքիս մէջ պարզ, տարրական հարցումներ յառաջացան ինչու այս տասնօրեակի պատկերին.-

1) Վերոյիշեալ դէմքերը անելի մեծ շահեր, խնդիրներ, անհամատեղելի կեցուածքներ ունին, թէ՞ Կիրակի օր տեղի ունենալիք Հայաստանեան ընտրութիւններուն թեկնածուները...:

2) Այս երկու խումբերէն ո՞ր խումբի անձերը անելի ամէն տեսակի նմանութիւններ ունին. հայաստանեան ընտրապայքարի թեկնածուները, թէ՞ ռուս-թուրք-իրանցի-իտալացի-ամերիկացի-ֆրանսացի-գերմանացի-քանադացի-ճափոնցի-անգլիացի եւ այլ դէմքերը:

3) Այս տասնօրեակին, եօթնեակը եւ միւսները կրցան կանոնաւորել իրենց համաշխարհային տարողութեամբ տարակարծութիւնները, պարունակի մէջ դնել զանոնք: Անցնող տասնամեակի փոթորիկները-հակադրութիւնները (կամ անոնց կարեւոր մէկ մասը) ետ դրուեցան Փանտորայի Տուփին մէջ:

4) Մե՛նք լաբիրինթոս սարքեցինք:

Հին ու Նոր Մտահոգություններ

Սկիզբը էջ 06

Գիտեմ՝ նաեւ, որ այլեւս շատերուն բերնին ծամօն դարձած է այս մարտահրաւեր բառը: Խեղճ բառ. քեզ ամեն անգամ տեղի կամ անտեղի որքա՜ն օգտագործած են: Մաշեցուցած են քեզ կազմող բոլոր տարրերը: Հինցուցած են իմաստը, նոյնիսկ՝ իմաստագրկած: Բայց իմ կարծիքով, մէկ կողմ նետելով այս բազմազան «մարտահրաւերները», այս օրերուն կարեւորը՝ նախ ախտաճանաչումն է: Մեր ինքնագիտակցութիւնը: Եթէ կ'ուզէք՝ մեր ինքնաքննադատութիւնը: Որովհետեւ այն ինչ որ այսօր, հայրենի մեր հողին վրայ տեղի կ'ունենայ, կը կարծես, որ շատ մտահոգիչ է: Անտեր դարձած է մեր երկիրը: Ո՛չ գլուխ ունի եւ ո՛չ ալ՝ ոտք: Ցաւալի է: Բայց ո՞վ է, լսողը, կարդացողը, մտիկ ընողը...: Ու հակառակ այս բոլորին, անկեղծօրէն կը հաւատամ՝ «Սփիւռքը՝ Հայաստանին եւ Հայաստանը՝ Սփիւռքին համար» լուրնագին: Ինծի համար ասիկա՜ է հայութեան մեկութիւնը արտայայտող միակ լուրնագրը եւ կամ լուրնագներուն ամենէն կենսականը, եթէ կ'ուզէք: Ամեն սրտով եւ հոգով կ'ուզեմ, որ Նոր էջ մը բացուի հայութեան համար:

Ի՞նչն է մեր ամենէն մեծ թշնամին: Արդեօք մեր անմխիթար կացութիւնը, թէ ոչ՝ յուսահատութիւնը, եւ կամ մեր կորսնցուցած ժպիտը, որուն բացակայութեամբ տխուր ազգ մը դարձած ենք: Ուրեմն, ի՞նչ պարտինք ընել:

Գիտենք, որ ամեն հայրենիք եւ ամեն ազգ իւրայայտուկ պայմանները ունի հաւաքական կենսունակութեան համար: Եթէ մենք մեր թերութիւններու մասին չխօսինք, անպայման պիտի տուժենք: Վկայ մեր պատմութիւնը: Մինչեւ հիմա, պատերազմէն կէս տարի ետք, տակաւին ամեն բան յստակ չէ: Անոր համար կը մտածենք, կ'աղօթենք, կը մաղթենք եւ կ'երազենք: Ո՛ր մնացին մեր մեծ բաղձանքները, յոյզերը, խորհուրդները եւ ակնկալութիւնները: Չենք ուզեր, որ մեր երկիրը իբրեւ անտունի կամ մուրացկան, ուրիշներու դռներուն առջեւ պտտի: Լաւատեղեակ ենք, որ ենթակայ ենք քաղաքական աղտոտ պայմաններու: Ու շուարած ենք, թէ ինչպե՛ս պիտի կարենանք երթեւեկել այս ներկային մէջ: Ինչպե՛ս պիտի կարենանք շնչել հայրենի այս մթնոլորտին մէջ: Ու այս եւ նման մտածումներ կը շարունակուին չարչրկել մեր մտքերը: Գիշեր-ցերեկ կը մտածենք, թէ ինչպե՛ս պիտի կարենանք վերագտնել կորսուածն ու կորսուածները: Նման կացութեան զգացումը արդէն բոյն շինած է մեր միտքերուն մէջ: Չարմանալի չէ: Բոլոր ժողովուրդներն ալ ունեցած են յաղթանակ եւ պարտութիւն, բայց ազգը իր նկարագրով կրցած է յաղթահարել: Հապա՜

մենք: Արդեօք այս գաղտնիքին լաւատեղեակ ենք: Յայտնի է, թէ ինչպե՛ս մեր մօտ տեղ մը, ազգային գիտակցութիւնը տեղի տուած է եւ մեր մտքի ու հոգիի աւերումը թափով շարունակուած: Նաեւ կը կարծենք, որ ճանչցած ենք իրականութիւնը, բայց չենք անդրադառնար, որովհետեւ ընդհանրապէս մեծամոլութենէ կը տառապինք: Ձրի հպարտութիւնը, սնապարծութիւնը իմաստ չունին: Չենք ուզեր աշխարհին նայիլ մորթուած գառնուկի աչքերով: Մեզի վայել չէ: Այս մէկը կրկնած եմ միշտ: Մեր կեանքը պետք է տրոփէ մեր սիրտը: Որովհետեւ մեր պատմական վերջին դէպքերը, իրենց բազմատեսակ օղակներով, բոցի գոյն առած են: Անոր համար շատ տուժած ենք:

Անոր համար ալ, նաեւ կը տագնապինք: Ըսինք, թէ ճիշդ է, որ ունենք թշնամիներ, բայց միւս կողմէ ի յայտ եկաւ, թէ կարծեցեալ դաշնակիցներ ալ ունեցած էինք եւ մեր յոյսերը անոնց կապած: Ու չսորվեցանք, որ հայրենիքը շուկայ չէ, որ ուզած ատենդ հոնկէ առնես, թափես, սրբես, ծախես: Այլ՝ սրբազան գաղափար է: Իրականութիւն է: Անկախ պետականութիւնն է մեր փնտռածն ու ուզածը, եւ որուն տեւականութիւնը օտարէն կախեալ չէ՝ այլ մեզմէ: Կարծես կորսնցուցած ենք մեր հայու հոգին եւ պահած՝ միայն ձեւը:

Ժամանակն է, որ ստեղծենք յարմարագոյն եւ օգտաշատ ազգային մթնոլորտ մը, մեր ժողովուրդի բոլոր խաւերը հետաքրքրող եւ ներառնող ու միաժամանակ գնահատենք մեր երկրի բոլոր արժէքները: Զանի-քանի անգամներ, հայ մամուլը այս մասին անդրադարձած է: Բայց ո՞վ է կարդացողը: Բոլորս ալ անհամբեր կը սպասենք հայու գիտակցութեան եւ սթափումին: Կը ցանկանք, որ հայը անպայման եւ շուտով ինքզինք պիտի գտնէ, եւ իր ներկայութիւնը պիտի հաստատէ այս աշխարհի քարտէզին վրայ:

Հերիք է, շատ երկարեցան հիւանդոտ միտքերով մեր արտայայտութիւնները: Վերջապէս երազին ե՛րբ պիտի յաղթենք: Խօսքէն գործի անցնելու ժամանակն է: Մեզի Նոր առաքելութիւն է պետք, ու նաեւ ազգային ոգիով լիցքաւորուած՝ ղեկավարութիւն, սակայն եւ անպայման հայրենի կենսքին Նոր բանալի ապահովող ղեկավարութիւն: Կուռքեր ստեղծելու ժամանակը շատոնց անցած է: Կը կարծեմ, որ տակաւին մեզմէ շատեր, նման հարցերու արմատներէն ալ հեռու են: Արդ, շատ տխուր պիտի ըլլայ, եթէ իրապէս չճանչնանք իրականութիւնը: Այս ուղղութեամբ պետք է տարուին բոլոր աշխատանքները, որպէսզի հայու ամբողջութիւնը կանգուն մնայ: Ու ահա ինչ ու Նոր մոչալանջները: Բայց հակառակ այս բոլորին, Եական է, որ ծանօթ եւ անծանօթ ձեռքերով մեր յոյսերը չմորթուին: Ժամանակն է, նաեւ վերագտնենք մենք զմեզ եւ մեր մեր լիութիւնը:

ԲԱՆ ՈՒ ԳԻՐ

Խաչեալին

Ծընո՛ւնդ կուսին,
Խա՛չդ ուսին՝
Հասկեր-հասկեր քաղելով՝
Անաչ սըրտերում կալեցիր,
Սընո՛ւնդ բարի,
Զա՛ջդ արի՝
Ազգեր-ազգեր մաղելով
Կանաչ հըրդեհում հալեցիր:


Մարգարտայեռ՝
Ձեր քըրտինքներ՝
Սյտեղ երկին՝
Կայակ-կայակ հոսելով՝
Մեր մահը լացեց,
Մարեցին.
Ու անվեհեր՝
Սեր աչիկներ՝
Փայտէն երկիր՝
Փայակ-փայակ խօսելով՝
Իր ճահը բացեց,
Վառեցին:

ԿՈՄԻՏԱՍ

ՄՇԱԿՈՒԹԱՅԻՆ ՕՐԱՑՈՅՑ

19 2021
ՅՈՒՆԻՍ

Կրկ	Երկ	Երե	Չոր	Հնգ	Ուրբ	Շաբ
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			



ՅԱԿՈԲ ԿԻՐՃԵԱՆ
(1881 – 1948)
«Խաչելութիւն»

Շրջանային Լուրեր

Իրանի մէջ Երեկ Տեղի Ունեցաւ Նախագահական Ընտրութիւններ

Սկիզբը էջ 01

Ընտրատեղամասերը բացուեցան տեղւոյն ժամանակով առաւօտեան 7:00-ին: Զուեարկութիւնը աւարտեցաւ կէսգիշերին: Երկրին մէջ կը գործէ 72 հազար ընտրատեղամաս: Իրանի քաղաքացիները կրնային քուէարկել եւս 133 երկրի մէջ: Իրանի մէջ նախագահական 13-րդ ընտրութիւնները կ'ընթանան ՏԻՄ 6-րդ ընտրութիւններուն զուգահեռ:

Նախագահի պաշտօնին կը յաւակնի 4 թեկնածու: Աւելի կանուխ 3 թեկնածուներ յայտարարած

էին մասնակցութենէն հրաժարելու մասին: Մասնակցութեան յայտ ներկայացուցած էր 592 մարդ, որմէ 40-ը՝ կին: Հաւանութիւն տրուած էր միայն 7-ի մասնակցութեան:

Նախագահի պաշտօնին կը յաւակնի Խորհրդատուական խորհուրդի քարտուղար Մոհսէն Ռեզային, դատական իշխանութեան ղեկավար Իպրահիմ Ռայիսին, խորհրդարանի փոխնախագահ Ամիրհոսէյն Զադիզատե-Հաշեմին եւ Կեդրոնական դրամատան նախկին ղեկավար Ապտուլ Նասեր Հեմաթին: Երկրորդ փուլ, որ կրնայ կայանալ 25 Յունիսին:

ՀԱՂՈՐԴԱԳՐՈՒԹԻՒՆ



ԱՔԵՂԱՅԱԿԱՆ ՁԵՌՆԱԴՐՈՒԹԻՒՆ ԵՒ ՕԾՈՒՄ ԱՆԹԻԼԻԱՍԻ ՄԱՅՐԱՎԱՆՔԻՆ ՄԷՋ

Նախագահությամբ
Ն.Ս.Օ.Տ.Տ. ԱՐԱՄ Ա. ՎԵՐԱՓԱՌ ՀԱՅՐԱՊԵՏԻՆ

19-20 Յունիս 2021-ին, Անթիլիասի Մայրավանքի Սուրբ Գրիգոր Լուսավորիչ Մայր Տաճարին մեջ աբեղայական ձեռնադրություն եւ օծում պիտի կատարուի:

Պատարագիչ եւ ձեռնադրիչ
ԳԵՐՇ. Տ. ՄԵՍՐՈՊ ԵՊՍ. ՍԱՐԳԻՍԵԱՆ
(Առաջնորդ Արաբական Միացեալ Էմիրութեանց եւ Զաթարի Թեմի)

Զահանայական ձեռնադրություն եւ օծում պիտի ստանան
Դպրեվանքի ընտանիքի աւարտական դասարանէն հետեւեալ
սաները՝

ԺԱՆ ՍՐԿ. ՍԵԼԼՈՒՄԵԱՆ
ԿԱՐԱՊԵՏ ՍՐԿ. ԷՕՐՏԵՔԵԱՆ
ԳԵՈՐԳ ՍՐԿ. ԹԵՆԵՔԵՃԵԱՆ
ՀԵՆՐԻԿ ՍՐԿ. ՄԱԼԽԱՍԵԱՆ
ԱՐԱՐԱՅԱՄ ՍՐԿ. ՏԵԿԻՐՄԵՆՃԵԱՆ

ՇԱԲԱԹ, 19 Յունիս 2021

Կոչման արարողութիւն՝
ԿԻՐԱԿԻ, 20 Յունիս 2021
Սուրբ Պատարագ՝
Ձեռնադրություն եւ օծում՝

երեկոյեան ժամը 4:30

առաւօտեան ժամը 9:30
առաւօտեան ժամը 10:00

ՏԵՍՉՈՒԹԻՒՆ ԴՊՐԵՎԱՆՈՒՑ

ՅԱՅՏԱՐԱՐՈՒԹԻՒՆ




Զանի մը տարիներ առաջ, Պուրճ Համուտի գերեզմանատան գլխաւոր մուտքը յարդարելու եւ ընդհանուր հանրութեան համար քիչ մը աւելի ներկայանալի վիճակ ստեղծելու դիտումով, կարգ մը բաժիններ ծածկուեցան արուեստական խոտով (կազոն): Այնուհետեւ, ոմանք առիթը օգտագործելով, առանց Առաջնորդարանի թոյլտուութեան եւ առանց հետեւանքները կշռելու, իրենց ընտանեկան դամբարանները սկսան ծածկել կազոնով:

Կազոնը կրնայ վայելուչ երեւիլ, սակայն դժբախտաբար, շատ դիւրավառ նիւթ է եւ որեւէ պատճառով կրնայ բռնկիլ ու ամբողջ գերեզմանատունն ու շրջապատը հրդեհել: Ուստի, նկատի ունենալով որ գերեզմանատան մէջ մնայուն կերպով միմ ու ածուխ կը վառենք, բացարձակապէս կ'արգիւրդի գերեզմանատան մէջ կազոնի գործածութիւնը:

Հետեւաբար, վստահելով մեր ժողովուրդի հասկացողութեան, կը թելադրենք, որ առաւելագոյնը մինչեւ երեքշաբթի, 31 Օգոստոս 2021, դամբարաններուն վրայէն ամբողջովին վերցուին կազոնները:

ԴԻԲԱՆ ԱԶԳ. ԱՌԱՋՆՈՐԴԱՐԱՆԻ

ՅԱՅՏԱՐԱՐՈՒԹԻՒՆ



ԿԱՐԳԱՊԱՅԱԿԱՆ

Փիլոնագուրկ կը հռչակուի Տ. Մկրտիչ Ա. Զին. Բէշիշեանը

Ի գիտութիւն հաւատացեալ մեր ժողովուրդին, այսու պաշտօնապէս կը տեղեկացնենք, որ Չորեքշաբթի, Յունիս 16, 2021-ին, Լիբանանի Հայոց Թեմի Ազգ. Վարչութեան Խառն ժողովը, փիլոնագուրկ հռչակեց Սուրբ Նշան Մայր Եկեղեցւոյ հովիւ՝ Տէր Մկրտիչ Ա. Զին. Բէշիշեանը, որ կասկածելի պայմաններով սեփականացուցած է իր հոգեւոր խնամքին ենթակայ տարեց հայուհիի մը բնակարանը: Ուստի, թուականէս սկսեալ, ան մաս չի կազմեր Լիբանանի Հայոց Թեմի հոգեւորականաց դասուն եւ կը զրկուի իր ունեցած բոլոր պարտականութիւններէն ու իրաւունքներէն: Հայ Եկեղեցւոյ բեմին վրայ կրնան մնալ այն հոգեւորականները, որոնք կը հետապնդեն ու կը պաշտպանեն մեր Եկեղեցւոյ շահը:

Յունիս 16, 2021

ԴԻԲԱՆ ԱԶԳ. ԱՌԱՋՆՈՐԴԱՐԱՆԻ

ՀԱՂՈՐԴԱԳՐՈՒԹԻՒՆ

Երեք Դպրեվանեցիներու Կը Շնորհուի Սարկաւագական Կարգ

Սկիզբը Էջ 02

Այս առիթով, ձեռնադրիչ սրբազանը իր որդիական երախտագիտութիւնը յայտնեց Վեհափառ Հայրապետը՝ անոր անվերապահ հոգատարութեան համար, շնորհաւորեց Դպրեվանքի տեսչութիւնը, ուսուցչական կազմը, ծնողներն ու մեր ժողովուրդը՝ մաղթելով, որ մշտանորոգ երթին մէջ երիտասարդ ոյժերու ծաղկումը դառնայ յոյսի աղբիւր եւ վերակենդանութեան նշան: Աւարտին, նորընծաները ստացան Նորին Սրբութեան օրհնութիւնը:

